



-Pamebhamε

"Nimlɔv : 43 "su : "BHLE "SU -Kwε 2017 "Su -bha 'sëédhε -mü "Gwεetaawo

WON -TAONG -MA 'GÜ 'SËÉDHÉ

Journal mensuel en
langue Dan (Yacouba)
pamebhamε =le réveilleur

Kwu" -mε -nu, -tiaandhö "pepe 'ö 'kwa -kë =danwopö -mε
'ka, "iin 'ö =danwo -dhö -yö ka -kë, kwaa -bha "yuv bha.

-Pamebhamε 'ö -kë naö -ma 'gü 'sëédhε 'ka, -a -wo pö -mε -nu "pepe, -dhe =ya =kpao ka -bha -ee ? Ka nuwεε yë -bha mü. Kö ka =kɔwɔn -yö dhi bha 'aa -yë kë !

=ii, -yö "dhü, -a =dhekpao yi 'në 'bha ya -da 'gü 'ö kwa -bha 'wɔn -tɔng -ma 'gü "sëédhε ya 'ö 'kii -kpan -bha, "ya kë Atanna -dhidhewɔn 'ka kö kwa =nii -da 'gü "sëédhε bha, 'kwa -kɔ -dee -da 'ko =kwεε -naa bha.yi ka faan -dɔ, -Gblüdë -a 'në -nu kö 'ka ka faan dɔ -a -wo pö -sü -bha -dedewo. Yi -dhe ka -gɔ kö 'ka ka -de 'kun 'mε -nu 'ö 'waa mε -nu faan dɔ 'wɔn 'bha -bha, -a -nu -gɔ. Kö 'ka ma 'ka =gwëë bha 'aa -yö kë. -Pamebhamε 'ö -kë kwaa -naö -ma 'gü 'sëédhε 'ka bha, -a -ben zë -sü -zë Kwa -dega -a 'wɔn -së -mü. 'Pë 'ö -a -dhe 'dhö -bha kö 'kwa -kë, yö -mü =dhe kö 'mε 'ö "dhü -yö =bhlëë -ya ö -de -wo -bha kö -yö kë -tiaandhe -wo "wεε pö -mε -nu "yan 'gü "kpungtaa. Yö =në -wɔn 'gü, =ya kë =dhe 'bhaa dɔ ü -de -wo -wo pö -dhe 'ka, kö -a -dhe -ya -bha kö 'ö sü =dεε -bha, 'ü -ya -a draan -sü -bha.

-A =plε -naa -mü =dhe -yö -ya kwa -de -wo 'gü "dhü kö 'wɔn -nu 'ö 'wo -kë kwaa -Danwo pö "peen -ta, 'wɔn -nu 'ö 'wo -kë kwaa -'Kodivua -se 'gü, 'wɔn -nu 'ö 'wo -kö "kpungtaa kö 'kwa 'dho kë -a -nu =gban -wɔn 'gü tii, "kεε kö 'kwa -a 'bha -nu ma.

-Bhawɔn 'to dhe 'ö dho -Pamebhamε -wo pö -mε -nu "piü

-Pamebhamε 'ö -kë naö -ma 'gü 'sëédhε 'ka, -a -wo pö -mε -nu "pepe, -dhe =ya =kpao ka -bha -ee ? Ka nuwεε yë -bha mü. Kö ka -kɔwɔn -yö dhi bha 'aa -yë kë ?

Yi dheebhang -nu ka -dho yi -bhawɔn 'to -sëédhε ya -a "dhiü 'ö kë 'gbaannu bha--wɔn 'gü. -Yö kë -sü yë -kë 'ka -kwεε -nu -bha see- 'ö 'wo kë wo =në--nu -bha. "Kεε Atanna 'saa- 'gü 'wɔn =gban yö 'ko "dhiü. Yö =në--wɔn 'gü 'yö 'ka -kpan sië -Pamebhamε "nimlɔv ya, -a -bha bha. Yi 'dhang- bho -sü -ya "dhiü =dhe 'ka yi -bhawɔn 'to. =Dhe kwa -wo -ya 'gü do =dhe kwa -de -wo 'ö bha kwa -dho "slë mɔw--a -bha kö -yö 'dho "dhiü.

=Ya 'go yö -zë -a 'gü, 'ö 'wɔn -së 'bha 'dhö ka -zo "piü kö 'ka- pö yi -dhe -Pamebhamε "gbluv "piü, -potaasü -yö ka -gɔ. -A "dhia -yö -dho 'ma yi 'gü. -A -gen -mü =dhe -gleng 'yaa 'go 'gu do 'gü.

..

Kwaa- =danwo pö "se 'gü -wɔn



"su

'wo-

desanble 'ka bha, kwa dheebhang 'bha -nu 'wo -kë " kwi -nu 'ka, dhe waa gɔn 'ö 'wo- -nu -dhe HENRY Kenecht waa ROSEMARIE Kenecht -wo kë -nu kwa "piü Maadhö. -Ang nu -gen -mü =dhe kö JOSEFÖ -bha -kwεzlaan "slüma bha, -wo "dhiü kwa 'ka kö 'kwa- -da =danwo 'gü. -a -kë "dhü -sü bha- 'gü, =danwo =klang -gɔmε "glügblü -nu -kaɔndo -wo -gɔ -dhe =gban 'gü wo nu yë -së bha- kë -dhe 'gü "Maadhö. Yë -së 'ö "dhü bha, -a zü -yö -bho kwa dheebhang Daanmε -nu =në- -ta. Daanmε -nu -bha -gun "töng zühho -dhe =në- 'ka. (Yö =në 'wo- ZENEZÖ -kë). Bleblesü, -Zlaan -yö, "se waa- dhang- =në--nu -da. ² "Se bha -a -bho "kuu 'yaa gun. =Ya 'go mü, -a -tadhε -dede -yö -gun "wekεwekε 'yö "yi =gblü 'dhö gun bɔ -sü 'ka--ta, -dhegütiidhe -dede 'gü. 'Yö 'Atanna -bha 'nii- -yö gun ziö



siɛ "yi bha- ta mü. ¹⁴Yö -Zlaan -ya pö 'bhawo 'pě -nu ö 'wo wo 'bhü dɔ -wo kě dhang- 'gü, kö -wo 'yěnn- 'gü waa- gbeng -nu =zinngü "kan 'kwě- , kě "dhü kö -wo =niidadhe -nu kě "töng -nu, -dhekpɔyi -nu, -kwe -nu -zon. ¹⁵Kö -wo -ya dhang- 'gü -wo -dhe "pö "kpɔngtaa. 'Yö dho 'ö -kě "dhü. ¹⁶-Kö 'ö -Zlaan -yö "bhü -pě -nu 'wo bha -a -nu "gblügblü

=ple 'wo dhang--bha bha--nu -da 'ka 'yö bha. 'Yö- 'kpiisü 'ö -kě 'yěnn- 'ka, -yo -wo 'yěnn- 'gü, 'yö- seenně -sü 'ö -kě "su 'ka -yö -wo gbeng. 'Yö "susēnnga 'nē -nu -da 'pö.

-Zlaan -bha mɛbhudhe -da -kɔ

²⁶Yö -Zlaan -ya pö: «-Kwa mɛbhudhe -pě kě, kö -yö kě =dhe kwa 'dhö, -yö kě kwa -bho -bha -dede 'ka, kö -yö -ya 'yuö- -nu 'wo =weeyi =bhaa, -maa -nu, 'pödhö -wü -nu, "kpɔngtaadhe -todhü -sü waa- wü 'seenně "pɛpɛ 'kö "se -ta, -a -nu =gban -gɔ "dhiü.»



L'orthographe DAN

Voici ce que nous pouvons utiliser pour savoir lire et écrire en langue dan.			ëë	"këë	daba	ü	'gü	intérieur
Les consonnes et les voyelles que vous ne voyez pas ici sont les mêmes qu' en français.			ën	'kën	rassasier	üü	"güü	amère
Attention:			ëën	=klëën	entourer	ün	=blün	miette
1. c, h, j, qu et x n'existent pas en dan.			ɛa	"kpɛa	sec	üün	glüün	rouler
2. r ne se trouve jamais au début d'un mot.			ɛan	gean"	scorpion	ü	"gü	brûler
Voici le reste de l' alphabet :			gw	-gwě	caillou	üü	"bhüü	tarir
Lettres Exemple Traduction	Aa	"kaa	in	"bin	fleur	v	"tv	oreille
	An	"gan	iin	"iin	ou	vv	"tuv	sauce
	Aan	saan	ɪ	"wɪ	parler	-Wo 'dho -kɔ (Les tons)		
	aɔ	kaɔ	u	"gbu-	fort	très haut		"dhü arbre
	aɔn	'daɔn-	kw	=kwaa	main gauche	haut		'kɔ maison
	bh	-bho	ng ¹	gbeng	nuit	moyen		dě père
	dh	dhe	oo	-zoo	chenille	bas		=zɛ termite
	ee	=wee	ɔ	'pɔ	credit	très bas		-dhɔ amour
	ɛ	"pɛ	ɔn	"yɔn	huile	très haut + très bas		"klang- singe
	ɛɛ	=wɛɛ	ɔɔn	=yɔɔn	sang	haut + très bas		'yěnn- soleil
	ɛn	-gɛn	ö	pö	dire	moyen + très bas	saa-	savon
	ɛɛn	=gblɛɛn	öö	töö	panier	bas + très bas	=göö-	iroko
	ë	pě	u	"su	lune	moyen + très haut	gean"	scorpion
			un	bun	tombeau		kpuu'	souche
			uun	=yuun	asticot			

‘Wɔn ‘ö -gban =klang- “gblügbü -nu ‘ö ‘wo Nivéesite -a -nu -bha

‘Wɔn -sɛ ‘bha ‘ö =klang-
‘gblügbü -nu ‘ö ‘wo Nivéesite
waa- -naa =klang- -gɔmɛ -nu -
wa -da ‘gü yô =nɛ. =Dhe ‘ö
woo-dede ‘wo ‘yaannu, ‘ö ‘wo
wo-zo gɔn, ‘yô ‘wo pö =dhe ‘ö
-kɛ =dhe woo- =klang- -kɔ -nu,
‘sɛɛdhe -wo pö -dhe ‘ö -kɛ
=dhe ‘sɛɛdhe -yô -gun yô kɛ
‘nu mü, kɔ -wa =loo mü -wo
‘yaannu -wa -nu -wo pö bha, -a
pɛ =gbaan kɛ zii, ‘mɛ ‘ö yô do
-a -nu -gban kɔ -dhe -nu ‘ö
‘wo bha -wo -pɛ kɛ, ‘yaa ‘dhö,
‘yô woo-dede ‘wo wo -kɔ -da
‘wɔn bha- ‘gü. -A zü -yô -bho
=klang- ‘dhe -nu ‘ö ‘wo
=klang- -kɛ Nivéesite -

dhe ‘dhe ‘ö Kokodi -dhe ‘gü,
=nɛ -a -nu -ta. =Klan- -nu bha
‘yô mɛ do -yô ‘wɛɛ- kɛng do
(500 frs) bho, ‘yô- -naa =klang-
-gɔ -mɛ -nu bha ‘mɛ ‘ö “dhü ‘ö
‘wɛɛ- “gblü do (5000 frs)
bho. -Wa zü -bho “dhü “kwi -a
“su ‘ö -ziö ‘ö ‘wo Mars -kɛ,
‘ö ‘kwa- -dhe ‘Dannɛng -wo
‘gü << -Zaka -ya bho >> bha-
‘gü. ‘Wɛɛ- ‘dhe ‘ö -waa =slɔɔ
=kɔ -ya kɛ “miliong -yaaga
waa- ‘wɛɛ- “gblü kɛng do ö -
kɔ =plɛ. =Klang- -gɔ -mɛ -nu
waa- woo- =klang- “dhiü ‘nɛ -
nu bha -wa -kɛ “dhü kɔ
guvɛnɔma -yô “kan ‘nɛ ‘bha
wo ö -ta. -A -dhe -ya -bha

=dhe yô =nɛ -a -bha yɛ ‘dhö -
mü ‘nu. Kwa -wo -ya ‘gü do
‘yô ‘kwa =klang- -nu bha -a -nu
nuwɛɛ -dede bho. Atanna -ya -
nu -kɔwɔn dhi. -A -gen -mü
=dhe ‘ö gun -blɛsü =ya
kɛ =dhe -kɔ ‘ö bha- ‘dhö kɔ -
nu =klang- kɛ -dhe ‘yaa -
tiaandhe, pɛ see- =nɛ ‘ö ‘wo-
wo, ‘kɔ =nɛ ‘ö ‘wo- zɛ ‘yô mɛ
‘dhö ga, ‘ö =bhlɛɛ ‘yaa -ya
=klang- -gɔ -mɛ -nu oo,
didhetɛɛ -nu oo, -a -nu -bha
=klang- “kwanngdhe “gblügbü
-nu bha, -a -nu ‘gü. =Ya kɛ
“dhü kɔgen -dee -sɛ =nɛ kwaa-
‘nɛ -nu ‘wo- sü bha.

=Ya ‘go mü =klang-
“kwanngdhe bha, -a ‘dhe ‘ö
-Buakɛɛ -a dhi -dee “pu -dhe
‘yaa =gblɛɛn ‘zü. -Zianwo
=minisü ‘ö -kɛ naɔ -yô mɛ
-bha =minisü ‘ka kwa -gɔ “sɛ
‘ö ya ‘gü, ‘ö ‘wo- -dhe Soro
Giyongmô, -yô “miliong
“saɔdo (6.000.000) nu -sü
‘ka kɔ klang- “kwanngdhe
-dhe ‘ö -Buakɛɛ bha, -a -dhe
-nu ‘ö ‘wo see- sü ‘ka -wa
-nu -pɛ kɛ- ‘gü.

Kpvngtaadhe -wɔn



‘Wɔn -kɛ -ta “puu ‘ka -sü -waa -yafɛɛ ‘gü -sü

Do ‘ö ‘kwa wo =dɛɛ,
-dhe =gban “pepɛ
‘gü “kpungtaa, ‘wɔn ‘ö -
gban -ya -de flɛɛ- ‘gü -sü
-bha, ‘wɔn -nu -kɛ -ta “puu
‘ka -sü -bha, -a -nu =slɔɔ
-sü =ya kɛ “gbu-. -A -kɛ
“dhü-sü bha- ‘gü,
“kpungtaa, “pɛɛn ‘dhe -nu ‘ö
‘wo -kɛ =Dhamlɛɛkɛɛn “sɛ
-gɔ “dhuü- =yɛn -dhe -nu,
“sɛ -nu ‘ö ‘wo ‘yɛnng- -wo

-zian ‘ka, Metii “sɛ -nu, sɛ
“wɛɛ ‘bha -nu ‘ö ‘wo to -a
-nu ‘gü, -ya -de flɛɛ- ‘gü
-sü waa- ‘wɔn -nu -kɛ -ta
“puu ‘ka -sü bha, -a -nu
-wɔn -yô kɛ -sü ‘ka “gbu-
-a -nu ‘gü. Kɛ -kɔ yaa- -nu,
-gblü -nu ‘wɔn -nu ‘ö ‘wo
“sɛ -nu dho =taama =nɛ
‘ö -wa ‘sɔ. -A -kɛ “dhü-sü -
wɔn ‘gü, -yô -sɛ kɔ ‘mɛ ‘ö
“dhü dodo ‘ka, -yô ‘pɛ ‘ö

mɛ =gban -bha ‘ka -a -wɔn
‘kun “gbu-. ‘Ya ‘dho- kɛ-
yô doseng ö bha pɛ ‘ka.
‘pɛ ‘ö nu siɛ =dɛɛ ‘kɔ -san,
-gblü, “ninaa, ‘wɔn yaa suu
=gban -suu ‘ka, ‘yô bha.
-Yakwɛɛ- ‘kpii- ‘ö kɛ -kɛ
“dhü =mlɛɛkɛɛn “sɛ ‘gü bha,
=minitrɛ ‘ö -kɛ dhebɛ ‘ka
kwaa- ‘Kodivuaa -sɛ ya ‘gü ‘ö
‘wo- -dhe Zanö Pömɔ, ‘ö yô
nü ‘kɔdhi ‘gü -wɔn -nu,
dhebɛ -nu -wɔn, ‘nɛ -nu
-wɔn -nu, ‘wo -gban -a -bha

bha, -yô -gun -a -ta, waa- ö
-dɔ -bha -nu ‘ö ‘wo -kɛ
dhebɛ -nu ‘ka, -a -nu =gban
-wo kɛ -dho.

‘Kwa- pö “dhü kɔ kwa-
-pö =dhe -a -dhe -ya -bha kɔ
kwaa- ‘nɛ dhebɛ -nu, kwa
dheebhang dhebɛ -nu,
kwaa- dhebɛ -nu, -a -nu
-dho -yô kwa kɛ kɔ ‘kwa-
-nu -wɔn ‘kun “gbu-, ‘kwa
dɔ -a -nu -gban -gɔ yi =gban
“pepɛ ‘ka kwaa- -tosɛa ‘gü.

"Dhü -bhlɛɛ 'wo- Edɛnô -dhe -kɛ bha. ‘nɛ =kɛ- ‘gü ka- -dɔ “wɛ -ee?

"Tüŋg 'ö 'Atanna -Zlaan -yô "sɛ
waa- dhang- -da 'ka bha, ⁵ kɔ -kpɔɔ
-nu, 'kpaa- -nu 'bha 'yii bho =kɔ
"kpungtaa, -a -gen -mu =dhe 'ö gun
"dhü kɔ 'Atanna -Zlaan 'yii dha ban
=kɔ "kpungtaa, "iin kɔ 'yii

mɛbhu- -da =kɔ 'kɔ -yô
"kpungtaadhe -ke kɛ. ⁶ "Kɛɛ 'yô 'yi -gɔ
suu 'bha bha 'ö -ya 'go -sü -bha
"sɛɛdhö, 'yô 'sɛ -ta -dhe =gban =tɔɔ.
⁷ 'Yô 'Atanna -Zlaan -yô 'sɛ -kɔn
sü, 'yô- mɛbhudhe do -pɛ -kɛ -a 'ka,

'yô ö "tɛɛ -pu -a yun 'gü kɔ "tɛɛ 'ö dho
-tosɛa kɛ- -bha -yô -da -a 'gü. 'Yô
'mɛ bha 'ö -kɛ mɛ "bhudhe 'ka.
⁸ =Dhe 'ö -kɛ "dhü, 'yô -Zlaan
'Atanna -ya -kɛ 'yô "dhü -bhlɛɛ -yô
-kɛ "sɛ 'wo- Edɛnô -sɛ -kɛ -a 'gü,

'yēnng--wo -zian 'ka, 'yö gɔɔn-
'ö--da bha--ya "dhü -bhlāa bha- -gɔ
"dhiü. ⁹ 'Yö 'Atanna -Zlaan -ya -kē 'yö
"dhü suu -sē = gban "pepe 'ö -a bhe
-bhö -sü din 'dhö -sē -yö bhö -dhe
bha- 'gü. 'Yö "dhü 'dhe 'ö -tosea 'ö
'yaa yēn -a nu me -dhe waa- 'dhe 'ö
'wɔn -sē waa- 'wɔn

yaa--nu -bho 'koo nu me -dhe bha,
-a -nu dɔ "dhü -bhlāa bha-
= zinnggü -dhe -dede 'gü.

¹⁰ = Gwaa ga do 'bha -yö gun 'go
siē Edenö -se bha- 'gü 'ö bɔ "dhü
-bhlāa bha- 'gü, 'ö "yi nu--dhe, 'ö -ya
mü 'ö -pe 'gü, 'ö -gböng -yö -kē
-yiisiö. ¹¹ -A -gböng -nu 'wo "dhü
bha--wa -bleesü -dhe Pisiönö. Yö
=nē =klēen "sego 'wo- Awila -se -kē
bha--zü. "Sego 'ö "dhü bha "sēnng -ya

'gü. ¹² "Sēnng 'ö "se bha- 'gü "sēnng
= bhlēēblēēsü -mü. = Ya 'go mü,
-gwē suu 'bha 'wo- bödeliömö -kē
waa- suu 'dhe 'wo- onisö -kē wa- 'gü.
¹³ 'Yö 'wo "yiga bha -a -gböng = ple
-naa -dhe Giönö, 'yö = nē = klēen "se
'wo 'kusiö -se -kē -a -zü. ¹⁴ 'Yö
'wo -gböng -yaaga -naa -dhe 'Tiglē. -Yö
-bɔ "se 'wo- Asuu -kē -a 'yēnng--wo -zian
'ka. 'Yö 'wo--yiisiö -naa -dhe Öflatö.

¹⁵ 'Yö -Zlaan 'Atanna -yö gɔɔn- 'ö--da
bha- sü, 'yö -ya "dhü -bhlāa 'ö Edenö
bha--gɔ "dhiü kö -ya -ke kē. ¹⁶ 'Yö
'Atanna -yö -dhioo dɔ 'me bha--ta 'ö-
pö: «"Dhiü "pepe 'ö

"dhü -bhlāa ya- 'gü ü -mɔɔ -bha 'ü-
-nu bhe -bhö. ¹⁷ "Kē -a 'dhe 'ö 'me
= yaa- bhe -bhö 'ö 'wɔn -sē waa-
'wɔn yaa -nu -bho 'koo dɔ bha = nē
'bha 'dho--bhö, -a -gen -mü = dhe
'bha--bhö yi "vɔ yi 'ö- 'ka ü -dho
ga--»

¹⁸ 'Yö -Zlaan 'Atanna -ya pö 'ö -de -
dhe 'yaa -sē kö gɔɔn--yö 'to 'ö doseng
'ka, 'ö -dho -a -takunme 'ö dho
bhö--bha 'pö -a kē. ¹⁹ "Bü -wü suu
"pepe waa- -maa -nu 'ö -Zlaan 'Atanna
-ya -nu -da, -ya -nu -pē -kē "se -kɔn
= nē- 'ka. = Dhe 'ö -kē "dhü, 'yö nu-
-nu 'ka gɔɔn- bha- wēdhö, kö 'me
bha -ya -nu 'to 'kpɔ. 'Tɔ 'ö gɔɔn- bha
'ö kē- nu wü 'dhe "dhü--dhe, = nē 'ö
kē -kē wü bha- 'to 'ka. ²⁰ = Dhe 'ö -kē
"dhü, 'yö gɔɔn- bha -yö 'to -ya 'pödhö-
-wü -nu = gban, -maa -nu = gban
waa- "bü -wü -nu = gban -bha. "Kē
gɔɔn- bha -a -takunme 'ö dho bhö- -
bha kpenngdhö 'yii- yö.

²¹ -A -ga 'yö -Zlaan 'Atanna -yö
gɔɔn--da yi gɔɔ = gblēen -sü 'gü, 'yö-
"senga do bho mü, 'yö- kwi kpa -a
-dhe 'gü 'glv 'ka.

"Yu -wɔn


Pē "bin=ple ya -a -nu -ga -sē -dede 'ka. -Wo -bhə wo 'kwēē-, "kē -a do -zē 'ka -dhe "saaga -ya -bha. -A -nu =mɔɔ-.

'Ö GO 'MÜ,

Gɔndē 'nē do 'bha bha 'yö -gban =gee -gɔ. -Kpo 'ö 'wo- wo
"dheedhō, 'yö- pö yö "yēdhe kē "siēē- 'ka me -nu "yan
"dhiü "dheedhō 'mü kö me -nu -wa pö 'ö "gbu-. -Aga kö
=gee bha =ya 'ö -kɔ ziö- -bha -bleē 'gü, kö -yaa gēn "kan, -

yaa lɔɔ =ya 'ö -gen yö- -ta. "Kaa 'ö 'me bha -a zü -bha, -yaa zü
kē tii 'ka =ni. -A "dhiü -zian nü 'ö yö 'ö -kɔ kpa- -ta, "iin -a zü
kpö nü yö 'ö -a -gblēen 'kpɔ -ee ? =Gee =de 'pö yaa- "piü 'ö 'ö -
gen 'go -bleē bha- -ta...

GAMA UBEE



Pë -Wlangda -sü

Yi- pö sië ka -dhe 'ka ka baa-. Kaa- danwopö 'sëédhe 'gbe yöö nu. -Ka ka “yan to- -nu -go =dhe -gwëme ö “yan to wenga

"Gwün

'Ka ka bo 'sëédhe ya- -wo pö -sü 'ka, 'wón 'bha =ya kë ka -go kó 'ka pö yi -dhe, -ka 'sëédhe kë kó 'ka bo. Yii- 'dresü =ne : www.pamebhame.info
'Ka dho -kpan -a “dhoo -bha -bha 'me 'ö- -nu“piü “Maadhö, -Ang -bha **tiootioo** “nimlao =ne “ZeEmanueldhö 07-17-19-38, -KPAAN Zozefinö 08-89-17-18
waa -**GAMA Ubeë 09-78-19-98**.
Ka -mooñ -a -bha 'pö 'ka Mail bo yi -dhe : zeh_emmanuel@yahoo.com

